

五嶽之鬼名耳禿一名山夫

遠亂之鬼名趣一名歎發

柱木之鬼名文羅一名元羅

五斧之鬼名兀生

長男之鬼名駟一名子石

衣服之鬼名是塗音類

五絲之鬼名提敬

五味之鬼名元蘇音類

律曰天下一生之中自有千億之鬼去神更

遠去鬼而近天下凶凶不可得知此遺凶遇

死者千萬有人而鬼不已今記其真名使人

知之一知鬼名邪不敢前三呼其鬼名鬼炁

即絕天鬼來下地鬼并然凡鬼皆有姓名子

知三台鬼名萬鬼使令

律曰人身有疾病厄急可令主者施符呼名

鬼然名用制鬼法人家有災疾不止可於中

庭北向以符著日辰上便左手探天關右手

探火行三呪言天一女青煞鬼萬千太一九

炁收邪神鬼死神至道求无極叱使右迴

轉向天門閉炁二十四通通息還向地戶三

呪言太一使我煞萬鬼去神至急急如此

三通百魁立到前後諸神扶送天綱催切諸

鬼相考无有漏脫可以治身勿妄以示俗人

太和之鬼无身有頭頭長三尺目大三寸耳

廣七寸眉廣五寸口廣三寸鼻大二寸鬚長

三尺髮長一丈呼吸天炁吐之成雲子行見

者其名子碑三呼之形自見終鬼從者皆自

伏子行勿以金錢著身其有光炁鬼逆見之

避人有錢在身不可鬼知子解藏之若水行

見者呼河終其亦作水鬼易形為鳥形明如

鳥大子然之勿音人三年人行來出入山海

永无所畏大吉

女青鬼律卷之二

女青鬼律卷之三四同

道律禁忌天師曰視天下男女日用不忠行

善不報災害日興天考鬼賊五毒流行皆生

於不信不念守一行善身招其禍念子不得

久世長生吾受太上教勅嚴切今以示天民

今知禁忌不犯鬼神靈書女青玄都鬼律今

使汝曹皆悉知聞逆者還順惡者還善改往

修來當依鬼律令

一者不得自東自西自南自北出入去來去

无所關還无所自任意從心皆負律令除算

三十二

二者不得呼天无神言道師者敗刑亂政自

言已是道人言非皆負鬼律天奪算一十三

三者不得持真人偽毒亂聖明飲酒食肉呼

嗟无道奪算千三百

四者不得傳宣惡語道說他人妄作一法不

信天道虛言无實天奪算千二百

五者不得傳虛兩舌妄語喜怒无常專行逆

然不慎陰陽天奪算百三十二

六者不得輕慢老人罵詈親戚夫妻呪詛自

相煞害毒心造凶不孝五逆天奪算一百八
十
七者不得受道不知輕慢傳非其人貪財受
利取人自益借物不還以為私實天奪算一
千八百
八者不得鬪爭言語因醉淫色假託大道妄
言鬼語要結男女飲酒食實天奪算三百
九者不得遊行東西周合男女消災不解因
成邪亂天奪算萬三千死缺流七世
十者不得傳道童女因入生門傷神犯氣逆
惡无道身死无後不得反男為女陰陽倒錯
天奪算三百
十一者不得露合陰陽觸犯三光因酒往還
承感相接天奪算三百
十二者不得一人氣生一人氣死過犯真人
天奪算三十三
十三者不得一父子別居室家離散天奪算
二十二
十四者不得嗜慾惡失男女聚集妄道邪言
天奪算百二十

十五者不得同法相相更相道說不信三五
評論天氣長短天奪算八百二十三
十六者不得逃避父母遊行四方位立真氣
自相收合天奪算三百二十
十七者不得滅天所生妄熱走獸彈射飛鳥
指南作北任心所從不依鬼律天奪算三千
十八者不得干知人事宣布他家藏善出惡
姦人婦女謀圖人塔逆戾三光陰賊呪詛不
孝五逆天奪算千二百二十
十九者不得行道之日貪色淫心行氣有長
自解不已私共約誓因生不孝姦心五內無
道之子天奪算三萬
二十者不得思神不報因行生氣取降元炁
貪淫愛色手足不離彌日竟夕如此无道天
奪算三百四十二
二十一者不得以赤炁妄傳俗人口手曾心
更相交接委道自叛師主无法天奪算三百
二十二者不得妄以經書授與俗人道父母
名諱泄漏真要訣語俗人天奪算三百
天師曰吾受太上旨教禁忌甚重汝男女憤

憤生來至今不知禁制自作一法與天相違
考至主者天奪子算訖恐將可痛不見太平
生者及祭酒道士宣化有功過相贖民若
不用故有宣化之心可自改往修來專一養
性可度天三災九厄子唯行惡逆不行忠孝
恐子年命不自保念子可傷幸復重屬丁寧
甚也
天師曰天下男女見善戒之文不能從用唯
欲從其所欲教人行非走作口舌專作鬼教
老小兇兇天下一時之樂千年之禍伐身之
斧滅命之父也子已知道及未知者見吾鬼
律新故科文皆可從用三五七九之日慎行
生炁子依吾闔局不犯三炁如可仙化民一
千不知道父母真名故為俗人道士雖知黃
書契令不知二十四神人故為偽人道極數
訖天有三五子自不知何得言道不神子不
知道何得言炁不明百聞不如一見子何不
自改心易腸入吾生炁得為真人太平之日
飛舉上天子只復不飛壽終不死便為地仙
得見太平子日一日憤悶憤悶不信不忠唯

行无道不見太平念子自衰吾當何苦

天師曰天下男女已知三五七九長生大道子不依吾法行惡端亂恐子死沒惡人之先幸復告想可勤之

天師曰制節行道謹慎科文目不要視口不要言心不要念足不要避親善遠惡與體自然故不重教幸復可思之

女青鬼律卷之三

女青鬼律卷之四

天師稽首敢承先王之道制民勅鬼今當以盟威正一之氣女青鬼律役使天下邪魅妖祥助道興化勅鬼真名主者明加切正使天下道氣宣布邪逆賓伏子知鬼名姓鬼自趨走不敢害人子常念之勿違犯矣

道上將軍名侯夫 道下將軍名逸車

天上逆鬼名文延玄 地下逆鬼名精子

右四鬼主風雨時隨之作害人行來道路遭大風雨呼四鬼名惡氣不敢加

古凶鬼謹忠世 逆鬼弄耳弄子

右二鬼是古死人敗冢或巫師不正道士之鬼鬼害人百行子知其名鬼自伏住不敢動

天正鬼迷迷大地正鬼地木

右二鬼是宅中死煞守鬼常住人堂屋梁上夜主傷害人雞犬六畜子知其名鬼伏住不敢動此鬼不敢害人宅中應有福德之家此鬼主護人外客殃然不敢過宅中申久年 後穆高


右二鬼人家作屋不契柱色鼻朝成立見星月有靈神主煞人為邪子知其名鬼不害人

今精華 是補坐

右二鬼人家宅中有銅金錢精主作於此

鬼鬼或變化作人形居宅不安呼之即去己巳辰 救姑 殷飲

右三鬼是人屋中四壁角中鬼主人夫妻无道不順陰陽此鬼白直符直符白奏事除人生籍子知名鬼不敢動并勅鬼著屋四壁角廉用桃刺長尺二朱書又懸門戶上初法如左



此符青龍主東白虎主西朱雀主南玄武主北中央黃麟辟除鬼賊急急如律令

右符制百鬼

天載 武備音惠註

右二鬼是門伯戶丞白日為神福室暮作